

千金翼方卷第四

本草下

宋朝奉郎守太常少卿充秘閣校理林億等校正
明翰林院檢討國史纂修官王 皆堂 重 校
內閣撰文中書舍人加四級金匱華希閔校刻

蟲魚部

果部

菜部

穀部

有名未用

蟲魚部

七十一味論一首

石蜜

蜜蠟

附白蠟

蜂子

附黃蜂土

牡蠣

桑螵蛸

海蛤

文蛤

魁蛤

石決明

秦龜

龜甲

鱖魚

鯉魚膽

附肉骨

鮑魚

鯪魚

鱣魚

鯽魚

伏翼

天鼠屎

蝟皮

石龍子

露蜂房

雉雞

蚱蟬

白殭蠶

木蟲

蜚蟲

蜚蠊

麋蟲

蟻蟪

蛞蝓

蝸牛

水蛭

鼈甲

附肉

鮑魚甲

附肉

蟹爪

烏賊魚骨

附肉

原蠶蛾

附尿

鰻鱺魚

鮫魚皮

紫貝

蝦蟇

鼈

牡鼠

附肉糞

蛻蛇膽

附膏

蝮蛇膽

附肉

鱖魚甲

蜘蛛

蜻蛉

石蠶

蛇蛻

蛇黃

蜈蚣

馬陸

蠨蛸

雀甕

鼠婦

螢火

衣魚

螻蛄

白頸蚯蚓

蜣蜋

斑貓

羌青

葛上亭長

地膽

馬刀

貝子

田中螺汁

甲香

珂

石蜜味甘平微溫無毒主心腹邪氣諸驚癇瘕安五藏諸不足
益氣補中止痛解毒除衆病和百藥養脾氣除心煩食飲不下
止腸澼肌中疼痛口瘡明耳目久服強志輕身不饑不老延年
神仙一名石飴生武都山谷河源山谷及諸山石中色白如膏
者良

蜜臘味甘微溫無毒主下痢膿血補中續絕傷金瘡益氣不饑
耐老

白臘療久洩澼後重見白膿補絕傷利小兒久服輕身不饑生

武都山谷生於蜜房木石間

蜂子味甘平微寒無毒主風頭除蠱毒羸虛羸傷中心腹痛大人小兒腹中五蟲口吐出者面目黃久服令人光澤好顏色不老輕身益氣

大黃蜂子主心腹脹滿痛乾嘔輕身益氣

土蜂子主癰腫噎痛一名蜚零生武都山谷

牡蠣味鹹平微寒無毒主傷寒寒熱溫瘧灑灑驚悲怒氣除拘緩鼠瘻女子帶下赤白除留熱在關節榮衛虛熱去來不定煩滿止汗心痛氣結止渴除老血澀大小腸止大小便癢洩精喉痺欬嗽心脅下痞熱久服強骨節殺邪鬼延年一名蠃蛤一名

牡蛤生東海池澤採無時

桑螵蛸味鹹甘平無毒主傷中疝瘕陰痿益精生子女子血閉腰痛通五淋利小便水道又療男子虛損五藏氣微夢寐失精遺溺久服益氣養神一名蝕朘生桑枝上螳蜋子也二月三月採蒸之當火炙不爾令人洩

海蛤味苦鹹平無毒主欬逆上氣喘息煩滿胸痛寒熱療陰痿一名魁蛤生東海

文蛤味鹹平無毒主惡瘡蝕五痔欬逆胸痺腰痛脇急鼠癰大孔出血崩中濕下生東海表有文取無時

魁蛤味甘平無毒主痿痺洩痢便膿血一名魁陸一名活東生

東海正圓兩頭空表有文取無時

石決明味鹹平無毒主目障腎痛青盲久服益精輕身生南海
秦龜味苦無毒主除濕痺氣身重四肢關節不可動搖生山之
陰土中二月八月取

龜甲味鹹甘平有毒主漏下赤白破癥瘕瘡瘻五痔陰蝕濕痺
四肢重弱小兒顛不合頭瘡難燥女子陰瘡及驚悲氣心腹痛
不可久立骨中寒熱傷寒勞復或肌體寒熱欲死以作湯良久
服輕身不饑益氣資智亦使人能食一名神屋生南海池澤及
湖水中採無時勿令中濕中濕即有毒

鯉魚膽味苦寒無毒主目熱赤痛青盲明目久服強悍益志氣

○肉味甘主欬逆上氣黃疸止渴生者主水腫脚滿下氣○骨
主女子帶下赤白○鼈主石淋生九江池澤取無時

鱉魚味甘寒無毒主濕痺面目浮腫下大水療五痔有瘡者不
可食令人癢白一名鮑魚生九江池澤取無時

鮑魚味辛臭溫無毒主墜墮骹腕折瘀血血痺在四肢不散
者女子崩中血不止勿令中鹹

鱖魚味甘無毒主百病

鰱魚味甘大溫無毒主補中益血療藩唇五月五日取頭骨燒
之止痢

鯽魚主諸瘡燒以醬汁和塗之或取猪脂煎用又主腸癰頭灰

主小兒頭瘡口瘡重舌目瞤一名鮒魚合葷作羹主胃弱不下食作鱠主久赤白痢

伏翼味鹹平無毒主目瞤癢痛療淋利水道明目夜視有精光久服令人喜樂媚好無憂一名蝙蝠生太山川谷及人家屋間立夏後採陰乾

天鼠尿味辛寒無毒主面癰腫皮膚洗洗時痛腹中血氣破寒熱積聚除驚悸去面黑肝一名鼠法一名石肝生合浦山谷十月十二月取

蝟皮味苦平無毒主五痔陰蝕下血赤白五色血汁不止陰腫痛引腰背酒煮殺之又療腹痛疝積亦燒爲灰酒服之生楚山

川谷田野取無時勿使中濕

石龍子味鹹寒有小毒主五癰邪結氣破石淋下血利小便水道一名蜥蜴一名山龍子一名守宮一名石蜴生平陽川谷及荆山山石間五月取者石上令乾

露蜂房味苦鹹平有毒主驚癇瘕瘕寒熱邪氣癰疾鬼精蟲毒腸痔火熬之良又療蜂毒毒腫一名蜂腸一名百穿一名蜂勦生特柯山谷七月七日采陰乾

檮雞味苦平有小毒主心腹邪氣陰痿益精強志生子好色補中輕身又療腰痛下氣強陰多精不可近目生河內川谷檮樹上七月採暴乾

蚱蟬味鹹甘寒無毒主小兒驚癇夜啼癩病寒熱驚悸婦人乳難胞衣不出又墮胎生楊柳上五月採蒸乾之勿令蠹

白殭蠶味鹹辛平無毒主小兒驚癇夜啼去三蟲滅黑黠令人面色好男子陰瘍病女子崩中赤白產後餘痛滅諸瘡癰痕生潁川平澤四月取自死者勿令中濕中濕有毒不可用

木蟲味苦平有毒主目赤痛背傷淚出瘀血血閉寒熱酸慚無子一名鼃常生漢中川澤五月取

蜚蠊味苦微寒有毒主逐瘀血破下血積堅痞癥瘕寒熱通利血脉及九竅女子月水不通積聚除賊血在胃腹五藏者及喉痺結塞生江夏川谷五日取腹有血者良

蜚蠊味鹹寒有毒主血瘀癥堅寒熱破積聚喉咽閉內寒無子
通利血脉生晉陽川澤及人家屋間立秋採

麀蟲味鹹寒有毒主心腹寒熱洗洗血積癥瘕皮堅下血閉生
子大良一名地鼈一名上鼈生河東川澤及沙中人家牆壁下
土中濕處十月取暴乾

蟪蛄味鹹微溫微寒有毒主惡血血瘀痺氣破折血在脇下堅
滿痛月閉日中淫膚青腎白膜癢吐血在胸腹不去及破骨踠
折血結金瘡內塞產後中寒下乳汁一名蟪蛄一名蜚齊一名
勃齊生河內平澤及人家積糞草中取無時反行者良
蛞蝓味鹹寒無毒主僻風喎僻軼筋及脫肛驚癇攣縮一名陵

蝨一名土蝸一名附蝸生太山池澤及陰地沙石垣下八月取
蝸牛味鹹寒主賊風喎僻蹠跌大腸下脫肛筋急及驚癇

水蛭味鹹苦平微寒有毒主逐惡血瘀血月閉破血瘀積聚無
子利水道又墮胎一名蛟一名至掌生雷澤池澤五月六月採
暴乾

鼈甲味鹹平無毒主心腹癥瘕堅積寒熱去痞息肉陰蝕痔惡
肉療溫瘡血瘕腰痛小兒脇下堅○肉味甘主傷中益氣補不
足生丹陽池澤取無時

鮐魚甲味辛微溫有毒主心腹癥瘕伏堅積聚寒熱女子崩中
下血五色小腹陰中相引痛瘡疥死肌五邪逆泣時驚腰中重

痛小兒氣癰皆潰○肉主必氣吸吸足不立地生南海池澤取無時

魚賊魚骨味鹹微溫無毒主女子漏下赤白經汁血閉陰蝕腫痛寒熱癰疽無子驚氣入腹腹痛環臍陰中寒腫令人有子又止瘡多濃汁不燥○肉味酸平主益氣強志生東海池澤取無時

蟹味鹹寒有毒主育中邪氣熱結痛喝僻面腫敗漆燒之致鼠解結散血愈漆瘡養筋益氣○爪主破胞墮胎生伊洛池澤諸水中取無時

原蠶蛾雄者有小毒主益精氣強陰道交接不倦亦止精○屎

溫無毒主腸鳴熱中消渴風痺癰疹

鰻鱺魚味甘有毒主五痔瘡癰殺諸蟲

鮫魚皮主蠱氣蠱疰方用之即裝刀靶鮫魚皮也

紫貝主明目去熱毒

蝦蟇味辛寒有毒主邪氣破癥堅血癰腫陰瘡服之不患熱病
療陰蝕疽癰惡瘡獠大傷瘡能合玉石一名蟾蜍一名去醜一
名去甫一名苦蠶生江湖池澤五月五日反陰乾東行者良
鼃味甘寒無毒主小兒赤氣肌瘡臍傷止痛氣不足一名長股
生水中取無時

牡鼠微溫無毒療踠折續筋骨搗傅之三日一易四足及尾王

婦人墮胎易產○肉熱無毒主小兒哺露大腹炙食之○糞微寒無毒主小兒痢疾大腹時行勞復

蚰蛇膽味甘苦寒有小毒主心腹蠱痛下部蠱瘡目腫痛○膏平有小毒主皮膚風毒婦人產後腹痛餘疾

蝮蛇膽味苦微寒有毒主蠱瘡○肉醃作酒療癰疾諸瘕心腹痛下結氣除蠱毒其腹中吞鼠有小毒療鼠瘕

鮫鯉甲微寒主五邪驚啼悲傷燒之作灰以酒或水和方寸七療蟻瘕

蜘蛛微寒主大人小兒瘡七月七日取其網療喜忘蜻蛉微寒強陰止精

石蠶味鹹寒有毒主五癰破石淋墮胎○肉解結氣利水道除熱一名沙蟲生江漢池澤

蛇蛻味鹹甘平無毒主小兒百二十種驚癇瘈瘲癰疾寒熱腸痔虫毒蛇癰弄舌搖頭大人五邪言語僻越惡瘡嘔欬明目火熬之良一名石龍子衣一名蛇符一名龍子皮一名龍子單衣一名弓皮生荊州川谷及田野五月五日十五日取之良

蛇黃主心痛疰忤石淋產難小兒驚癇以水煮研服汁出嶺南蛇腹中得之圓重如錫黃黑青雜色

蜈蚣味辛溫有毒主鬼疰蠱毒嗽諸蛇蟲魚毒殺鬼物老精溫瘧去下蟲療心腹寒熱結聚墮胎去惡血生大吳川谷江南赤